

# **SPORTSPLAN FOTBALLGRUPPA**

## **HAFSLO IL 2020-2022**



# INNHALDSLISTE

<b>Innleiing</b>	<b>s.3</b>
<b>Målsetjingar for Fotballgruppa Hafslo IL 2020-2022</b>	<b>s.4-7</b>
<b>Fair Play</b>	<b>s. 7-8</b>
<b>Trenaren</b>	<b>s.8</b>
<b>Trening og kampmeng ulike årsklassar</b>	<b>s.8</b>
<b>Tilbod ulike aldersklassar</b>	<b>s.9</b>
<b>Treningar og spelestil i fotballen i Hafslo IL</b>	<b>s.9-14</b>
<b>Fotballgruppa – funksjon og organisering</b>	<b>s. 14-16</b>
<b>Differensiering og hospitering</b>	<b>s.17</b>
<b>Turneringsdeltaking</b>	<b>s.18-19</b>
<b>Dommarar – rekruttering</b>	<b>s.19</b>

## Innleiing

Sportsplanen er utarbeidd av styret i Hafslo IL ved Fotballgruppa, og har vore ute på høyring i foreldre- og trenargruppa. Sportsplanen vert formelt vedteke på årsmøtet i Hafslo IL og gjeld for tre år om gongen, men er eit levande dokument. Sportsplanen vert revidert kvart tredje år, og skal då formelt vedtakast på nytt på årsmøtet til idrettslaget.

Føremålet med Sportsplanen er å vere eit styringsverktøy for Fotballgruppa. Den skal gje retningsliner for den sportslege aktiviteten i klubben, og den skal vere med å utvikle klubb, spelarar, trenarar og dommarar i positiv retning. Sportsplanen skal saman med handlingsplanen og årshjulet vere dei rettleiande dokumenta i det daglege arbeidet i Fotballgruppa.

Medlemer i Fotballgruppa, medlemer i hovudstyret, trenarar og oppmenn i klubben skal kjenne til innhaldet i Sportsplanen. For Fotballgruppa, trenarar og oppmenn skal den vere ein aktiv plan som ein skal kunne nytte seg av i kvardagen.

Fotballgruppa må kommunisere innhaldet i planen ut til medlemane, og den skal til ei kvar tid vere i oppdatert versjon på Hafslo IL sine heimesider.

Ved revidering av Sportsplanen skal denne sendast på høyring, og medlemer i Hafslo IL skal få moglegheit og verte oppmoda om å kome med innspel til innhaldet i Sportsplanen.

Ved skiving av årsmelding skal ein evaluere sesongen som er gått opp mot dei måla ein har sett seg i Sportsplanen.

*Revidert av Fotballgruppa*

*Hafslo 10.02.2020*

## **Målsetjingar for Fotballgruppa Hafslo IL 2020 – 2022**

For fotballen i Hafslo IL er brei aktivitet eit overordna mål. Det vil seie at vi skal freiste å gje alle som vil spele fotball i Hafslo IL eit tilbod om dette, uansett ferdigheiter og ambisjonar.

Målet er eit godt treningstilbod til alle aldersgrupper, og å kunne stille lag i alle aldersklassar i miniputt, på aldersbestemt nivå, samt å stille seniorlag for både damer og herrar. I tillegg til å gje alle eit tilpassa treningstilbod, skal ein utvikle enkeltspelarar til å nå dei måla som dei måtte sette seg. Det vil seie at ein må tilby eit differensiert treningstilbod, der det er rom for både dei som vil trene lite og dei som vil trene meir.

For dei som ønskjer det, skal fotball i Hafslo IL vere ein heilårsidrett, det vil seie at me skal tilby trening av god kvalitet også om vinteren, men kanskje med ei anna organisering enn i den ordinære sesongen.

For fotballen i Hafslo IL skal det vere lik status mellom jente- og gutefotball. Ein skal freiste å ha eigne lag for jenter i alle klassar, og dei skal prioriterast på lik linje med gutane. Alle jenter som ønskjer å spele fotball skal få eit tilbod i klubben.

### **Målsetjing for senior herrar**

- Alltid stille lag i seriespel
- Gje alle som vil spele seniorfotball eit tilpassa nivå.
- Utvikle enkeltspelarar til eit høgast mogeleg nivå.
- Betre treningskulturen.
- Stille lag i KM innandørs alle år.
- Ha god kontinuitet på trenar - og spelar sida.
- Vere ein naturleg hospiteringsarena for yngre spelarar som treng eit differensieringstilbod.
- Utdanne trenarar.
- Få flest mogeleg av spelarane på gutenivå til å fortsette å spele fotball som senior.

## Korleis nå desse måla:

- Jobbe med, og bruke Sportsplanen for å nå måla ein har sett seg.
- Jobbe aktivt med rekruttering i eigen klubb, satse på barne – og ungdomsfotballen.
- Auke trenarkompetansen i klubben.
- Kontraktfeste trenarar og spelarar.
- Gå aktivt ut for å finne alternative treningsarenaer, for å få gjennomført gode treningar heile året, som til dømes leige tid i Storhallen i Sogndal for lag som ønskjer dette.
- **Føresetnad for å nå måla: Alle seniorspelarar må betale medlemskap, treningsavgift og utføre dugnad under Lerum Cup. Dersom ikkje tilstrekkeleg tal spelarar har betalt medlemskap og treningsavgift før 1.februar kvar sesong, er det ikkje grunnlag for å satse på seniorlag.**

## Målsetjing senior damer

- Alltid stille lag i seriespel, anten 7`ar eller 11`ar.
- Utvikle talentfulle spelarar til høgast mogeleg nivå.
- Gje alle jenter/ damer som ønskjer å spele fotball eit tilbod.
- Stille lag på KM innandørs kvart år.
- Vere ein naturleg hospiteringsarena for yngre spelarar som treng eit differensiert tilbod.
- God kontinuitet på trenar og spelarsida.
- Få flest mogeleg av spelarane på jentenivå til å halde fram med fotball på seniornivå.

## Korleis nå desse måla:

Dei same punkta som for herrar senior.

**Føresetnad for å nå måla: Alle seniorspelarar må betale medlemskap, treningsavgift og utføre dugnad under Lerum Cup. Dersom ikkje tilstrekkeleg tal spelarar har betalt medlemskap og treningsavgift før 1.februar kvar sesong, er det ikkje grunnlag for å satse på seniorlag.**

## **Målsetjing for barne- og ungdomsfotballen**

- Aktivisere flest mogeleg lengst mogeleg.
- Gje alle eit godt fotballfagleg tilbod, tilpassa nivå og ambisjonar.
- Stille lag i alle klassar.
- Vere representert på alle sonelag.
- Bruke Sportsplanen som eit aktivt verktøy.
- Skape gode opplevingar for borna, alle skal ha lyst til å kome att.
- Gje borna eit innblikk i kva fotball er, la dei prøve på ulike øvingar og i ulike posisjonar på bana.
- Delta i seriespel for dei eldste miniputtklassane.
- Auke trenarkompetansen i barne- og ungdomsfotballen.
- Inkludere foreldregruppa på ein god måte, alle skal få tilbod om å bidra på den måten dei måtte ønskje.
- Vere gode på Fair Play på alle nivå.
- Ha ein sosial profil kring laga i barne- og ungdomsfotballen, gjere kvar heimekamp til ei positiv hending.

## **Korleis nå desse måla:**

- Aktivisere flest mogeleg lengst mogeleg.
- To trenarar på kvart lag.
- Oppmann for kvart lag.
- Engasjere foreldregruppa til å gjere noko ut av heimekampane.
- Tilby trenarkurs til foreldre og andre som ønskjer å ta trenaransvar i klubben.
- Evaluere kvar sesong.
- Arrangere foreldremøte i forkant av kvar sesong.
- Arrangere møte med trenarar og oppmenn i forkant av kvar sesong.
- Jobbe aktivt med Fair Play.
- Arrangere Tine fotballskule kvart år.
- Ha eigen trenar/ eige opplegg for keepertrening i klubben.

- Sende aktuelle spelarar på keeperskule. Ved deltaking på keeperskule kan Fotballgruppa fastsetje ein eigenandel for den enkelte deltakar.

## **Fair Play**

Fair Play handlar om overordna verdiar, respekt for andre menneske og om å forsterke vennskap. Det er viktig at alle, både trenarar, spelarar, lagleiarar og foreldre passar på og tenkjer på desse verdiane.

### **Styret**

- Passe på at Fair Play er tema på lagleiar/trenarmøte, foreldremøte og spelarmøte.
- Ivareta Fair Play i klubbkvardagen.
- Inkludere Fair Play i arrangement.

### **Lagleiar og trenar**

- Ha minimum eit spelarmøte i året der ein snakkar om Fair Play (våren).
- Informere foreldregruppa om Fair Play
- Vere rollemodell for spelarane.
- Skape trivsel og bidra til at flest mogleg vil fortsette å spele fotball.
- Skape tydelege forventningar og rammer for spelarar og foreldre.
- Sørge for kampvert på alle heimekampar.
- Passe på at alle spelarar skriv under på haldningskontrakt frå alder 10år og oppover kvart år.

### **Fotballspelaren**

- Vere positiv
- Vise respekt for med og motspelarar, trenar og dommar.
- Skape trivsel
- Ta avstand frå mobbing
- Følgje haldningskontrakta

### **Foreldre**

- Følgje opp at eigne born føl verdiar og forventningar.

- Bidra til drift av laget og på arrangement.
- Ha respekt for det frivillige arbeidet trenaren gjer.

## Trenaren

Trenaren skal vere ein rettleiar. Oppgåva til trenaren er ikkje å ta alle val for spelaren i alle situasjonar. Trenaren skal heller legge opp til aktivitetar der spelarane kan få erfaringar som dei kan bruke inn i dei ulike situasjonane. Ved å stille opne eller ledane spørsmål kan trenaren hjelpe spelaren. Nokre gonger kan det vere behov for forklarande instruksar. Målet er at trenaren skal hjelpe spelarane å ta gode val i ulike situasjonar på eigahand.

Når ein trenar gir ros skal ein prøve å grunngi rosen. Ikkje berre seie “bra”, men “bra fordi....”

Kjenneteikn for ein trenar i HIL:

- Legge til rette for god aktivitet
- Skape tryggleik gjennom å sjå alle og forsterke det positive.
- Stille krav og utfordre spelarane på kvalitet og det å vere tilstades.
- Unngå kø på treningane.
- Vere klar til treningsstart.

## Trening og kampmengd ulike årsklassar

- **Barnefotball**
- **Ungdomsfotball**

Aldersklasse	Treningar	Kampar	Turneringar
G/J 6	1-2	0	4 miniputtturneringar
G/J 7	1-2	0	4 miniputtturneringar
G/J 8	1-2	0	4 miniputtturneringar
G/J 9	1-2	1	4 miniputtturneringar
G/J 10	2	1	1-2
G/J 11	2	1	1-2
G/J 12	2	1	2-4
G/J 13/14	2-3	1	2-4
G/J 15/17	2-3	1	2-4



## Tilbod ulike aldersklassar

- Barnefotballen
- Ungdomsfotballen

Alders-klasse	Tilbud	Alternative tilbud			
G/J 6	Trening + miniputt	Tine fotballskule			
G/J 7	Trening + miniputt	Tine fotballskule			
G/J 8	Trening + miniputt	Tine fotballskule			
G/J 9	Trening + miniputt + kamp	Tine fotballskule	Laurdags-trening		
G/J 10	Trening + kamp	Tine fotballskule	Laurdags-trening		
G/J 11	Trening + kamp	Tine fotballskule	Laurdags-trening		
G/J 12	Trening + kamp	Tine fotballskule	Laurdags-trening		
G/J 13/14	Trening + kamp		Laurdags-trening		
G/J 15/17	Trening + kamp		Laurdags-trening		

## Treningar og spelestil i fotballen i Hafslo IL

### Spelestil

Hafslo IL ønskjer at alle lag er spelande lag. Derfor ønskjer ein at det om mogleg skal spelast ball. Laga skal etter kvart i utviklinga lære seg å prøve å spele seg ut bakfrå gjennom forsvar, midtbane og til slutt nå det fremste ledd. Samtidig må ein lære spelarane opp til når det ikkje er høveleg å spele på denne måten, for eksempel ved høgt press frå motstandar som gjer det vanskeleg å spele seg ut bakfrå.

Ved å spele på denne måten vil ein utvikle spelarar som er trygge med ball og som kjem i situasjonar der ein må gjere val. Det vil også vere trygt å hospitere på andre lag då ein veit korleis det er forventa at ein spelar.

## Treningar

### 6-9år - 3' ar- og 5' ar-fotball

Hafslo IL ønskjer at det er eigne gutelag og jentelag i dei ulike aldersklassane. Samarbeid på tvers av gruppene på trening er flott. Det skal vere lik speletid på spelarane så langt det let seg gjere. Det er viktig å rotere på posisjonane på bana og differensiere treningane.

Sportsleg er det viktig å skape eit positivt miljø for ungane. Ha fokus på å følge med på bana, ballkontroll og samspel. Barna bør byrje å sjå viktigeita av å snakke med kvarandre på bana. Viktig at barna får spele mykje fotball både med og utan mål i ulike situasjonar.

Er anbefalt å jobbe med ulike tema over lengre tid. F.eks. pasningar og kontroll på ball. Då legg ein opp øvingar over tid som gjer at spelarane utviklar seg innanfor det tema som er fokus på. Då er det viktig med kontinuitet i øvingane på treningane ei tid framover.

#### Eksempel på øvingar:

- **«Sjef over ballen» Oppvarming:**
  - Firkant, 3 mot 1, 4/5 mot 2.
    - Byte på spelarane som jagar ball
    - Korte intervall med høg intensitet
  - Føre ball på mindre område, mykje trafikk
  - Pasningar med bevegelse (firkantar)
- **«Spel med og mot» - Deløvingar:**
  - Eksempel 1:
    - Spel 1 mot 1, 2 mot 2, 3 mot 3, med små mål og linje
    - Begrense berøringar eller spele fritt

- Kan gå over til å bruke joker (ekstra spelar som er på lag med dei som har ballen) for å ha overtal på eitt lag slik at det blir meir flyt i spelet.
- Spele i kortare intervall for å halde intensiteten (2-3min)
- Eksempel 2:
  - Spele 3 mot 5, bruke ein til to spelarar i overtal på ballførande lag.
  - Ballførande lag får mål ved antal pasningar.
  - Spele på tid med korte intervallar for å halde intensitet.
- Eksempel 3:
  - 3 lag med 4 spelarar pr lag. Spelar på avgrensa område. Spelar to lag mot eit. Ballførande skal alltid vere flest. Blir kvaliteten dårleg kan du justere banestørleik.
  - Kan bruke spelarar rundt bana som veggjar.
- **Hovuddel**

Spele med mål der det er få spelarar på kvart lag. Fokus skal vere på samspel og relasjonar mellom spelarane. Ønskjer så jamne lag som mogleg. Bruk gjerne «stopp» i speløkta for å vise øvingsbilete, men pass på at det ikkje blir for mykje stopp. Me ønskjer god intensitet.

### **10-12år - me prøver oss fleire rollar og posisjonar i 7'ar-fotball**

Hafslo IL ønskjer at det er eigne gutelag og jentelag i dei ulike aldersklassane. Samarbeid på tvers av kjønna på trening er flott. På trening legg ein opp til så jamne lag som mogleg og lar spelarane prøve seg i ulike posisjonar.

Sportsleg er det i denne alderen viktig å fokusere på å utvikle ulike ferdigheiter, fotballforståing og forståing for samhandling med medspelarane sine. Ha fokus på at fotball er morosamt og skap gode rammer. Det er også viktig å passe på at alle får utfordringar på trening og at ein differensierer.

### Eksempel på øvingar:

- **«Sjef over ball» - oppvarming**
  - Firkant, 3 mot 1, 4/5 mot 2.
    - Byte på spelarane som jagar
    - Korte intervall med høg intensitet
  - 9 mot 2
  - Føre ball på mindre område, mykje trafikk
  - Pasningar med bevegelse inne i firkantar
  - Pasningar med bevegelse på utsida av firkantar
- **Spel med og mot – deløvingar**
  - Eksempel 1:
    - Spel 2 mot 2, 3 mot 3 osv. med mål, føre over linje.
    - Kan bruke joker for å få flyt.
    - Spel med kortare intervallar
  - Eksempel 2:
    - 3 lag med 3-4 spelarar på avgrensa område.
    - Eit lag jagar ball mot dei to andre laga.
    - Kortare intervall med intensitet.
- **Hovuddel**
  - Spel med mål
  - Få spelarar på kvart lag
  - 3 mot 3 til 7 mot 7.
  - Jobbe med struktur i eit lag. Ha ein sentral midtbanespelar som alltid er open for pasning.
  - Introdusere førsteforsvarar og førsteangripar.

Ein jobbar med spelets ide og trenar på større område når me spelar. Me må lære å snu spelet når ein har større flater. (Spele seg frå trange område til opne områder på bana). Øve på å forsvare seg samla, angripe samla og halde ballen i laget.

### **13-17år - me får meir og meir faste posisjonar på bana**

I denne alderen blir bana etter kvart større og ein beveger seg ut på 9ar- og 11ar-fotball. Det å lære seg å spele i eit system og ha spesielle arbeidsoppgåver blir viktig. Ein må ikkje ha faste posisjonar med ein gong men etter kvart finne meir og meir fram til kvar dei ulike spelarane passar inn på bana. Treningarane må hjelpe spelarane med å vidareutvikle fotballforståinga og samhandlinga med medspelarar.

Det er viktig å differensiere på treningane og om mogleg bruke differensierte grupper. Ved differensierte grupper er det viktig at gruppene ikkje er statiske. Gi dei nest beste moglegheita til å vere med dei beste. Dei ivrigaste bør få moglegheit til å hospitere på andre treningar med andre lag. Det er viktig å skape trivsel i gruppa for å halde på flest mogleg over tid.

I denne aldersgruppa er det stor variasjon i spelarane. Det er ein fase der det skjer mykje utvikling. Viktig å jobbe med å utvikle fotballferdigheitene vidare og lære spelarane til å gjere gode val og tolke ulike situasjonar. Me ønskjer å utvikle gode ein mot ein spelarar i både forsvar og angrep og utvikle lagspelet. Viktig å halde intensiteten på treningane.

#### **Eksempel på øvingar:**

- **«Sjef over ballen» - oppvarming**
  - Ulike variantar av firkantar og rektangel
    - Eks: 3 mot 1, 4 mot 5, 3 mot 6/7 osv.
  - To lag med joker med skåring ved føring over linje.
  - 9 mot 2.
- **«Spel med og mot» - deløvingar**
  - Angrep/forsvar
    - Jobbe med angrep mot forsvar
    - 4 mot 5 på eit mål
    - Innlegg trening med og utan overlapp og forsvar
    - Terpe å forsvare seg i 3 mot 5 situasjonar.
    - Kommunikasjon mellom spelarar
    - Rettleie i ulike situasjonar, øvingsbilete.

- Spele 2 mot 2, 3 mot 3, 4 mot 4 med og utan mål på avgrensa område.
  - Gi ulike begrensingar i spel. Eks: tal touch som er lov, berre spele bakover på bana osv.
- 3 lag der to lag spelar sama mot eitt.
  - Byte på kven som jagar.
  - Pass på at laga er jamne.
  - Kan nytte joker.
- **Hovuddel**

Spele med mål der laga er alt frå 3 mot 3 til 11 mot 11. Dess fleire spelarar det er på kvart lag dess færre berøringar blir det på kvar spelar. Viktig å halde høg intensitet og heller spele i kortare intervallar. Som trenar kan du nytte stopp i spelet for å vise øvingsbilete, men pass på at de ikkje går ut over intensiteten.

### Oppsummering

I alle aldersklassar er det viktig å skape eit trygt og godt miljø i spelargruppa. Trenaren må vere ein trygg og tydleg vaksen. Det er viktig å skape eit miljø der alle spelarane har respekt for kvarandre. Dei «beste» skal ha respekt for at dei som er «nest best» er på trening for å ha det morosamt. Dei «nest beste» skal ha respekt for dei «beste» som ønskjer å utvikle seg til å bli gode fotballspelarar.

## **Fotballgruppa - funksjon og organisering**

Fotballgruppa har det overordna ansvaret for all sportsleg aktivitet i klubben.

Fotballgruppa bør bestå av 5 – 7 personar og ein bør satse på kontinuitet.

Det bør vere ein plan på avgang slik at det vert ein naturleg rullering, på denne måten unngår ein at verdifull kompetanse blir borte.

## **Fotballgruppa har følgjande organisering:**

Dette er ei rettleiande organisering der rollene står fast, men der Fotballgruppa kan tilpasse/justere oppgåver under dei ulike rollene i forhold til rollene ut i frå dei personane som til ei kvar tid utgjer styret i Fotballgruppa.

### **Leiar:**

Bør bli valt for to år om gangen. Mottakar av all informasjon frå kretsen, møter i hovudstyret, fungerer som sportsleg utval saman med nestleiar, skal godkjenne alle utgifter/utbetalingar som blir belasta Fotballgruppa sitt budsjett. Ved saker i Fotballgruppa der ein ikkje oppnår einigheit, skal leiar si stemme telje som to.

Har saman med nestleiar hovudansvar for oppfølging av trenarar på seniornivå, inngå kontrakt med desse og klargjere premissane for samarbeidet.

Møter på kretstinget, miljøhelg og på leiarsamlingar i regi av kretsen.

### **Nestleiar:**

Sportsleg leiar aldersbestemt, vara til hovudstyret, fungerer som sportsleg utval saman med leiar. Møter på kretstinget, miljøhelg og på leiarsamling i regi av kretsen. Hovudansvar for oppfølging av trenarar på aldersbestemt nivå. Arrangere trenarkurs, førstehjelpskurs o.l.

### **Sekretær:**

Ansvar for årshjul, møteinnkalling, referat, ordstyrar, utarbeider større skriv om ulike saker, til dømes interne retningslinjer for trenarar/oppmenn, kampvertrolle e.l.

### **Fair Play og dommaransvarleg:**

Jobbar med Fair Play i klubben og syter for at ein har eit opplegg kring dette som fungerer. Set opp kampdagbok, har kontakt mot dommarane, jobbar med dommarrekruttering. Støtter opp om dommarar, ser enkelte kampar for å gje tilbakemelding. Arrangerer klubbdommarkurs. Sender inn forslag til månadens Fair Play til kretsen, møter på Fair Play

samlingar i regi av kretsen. Desse oppgåvene kan gjerne fordelast, slik at ein får gjort ein god jobb på alle områda.

**Materialforvaltar:**

Hovudansvar for alt utstyr, planlegge og ha oversikt over utstyr og innkjøp, drakter, ballar, mål, førstehjelpsutstyr osv. Er kontaktperson for trenarar og oppmenn som treng supplering av ulikt utstyr. Ansvar for å få trykt nye draktsett. Er kontakt for oppmennene inn mot Fotballgruppa i høve innkjøp. Alle innkjøp må alltid klarerast med leiar.

**Miniputt-ansvarleg:**

Ansvar for all aktivitet for miniputt. Ansvar for å skaffe trenarar og oppmenn til miniputtlaga, vere hovudansvarleg for miniputt – turneringa, delta på foreldremøte og møte med oppmenn og trenarar.

**Styremedlem/ Oppmannskontakt:**

Organisering av heimekampar senior, samarbeid med materialforvaltar, førefallande styreoppgåver.

**Fotballgruppa skal saman sørgje for:**

- At fristar i årshjulet vert haldne.
- Fordele treningstider på ein høveleg måte.
- Vurdere og melde på lag etter beste evne.
- At Sportsplanen vert følgt.
- Ta avgjerder i saker som vert meldt inn.
- Sette opp budsjett og halde seg til dette.
- Halde seg orientert om fotballen generelt i Hafslo IL.
- Skrive årsmeldingar.
- Samarbeide til det beste for fotballen i Hafslo IL.
- Arrangere trenarforum/ samlingar med tanke på felles utvikling og kompetansedeling.



## Differensiering og hospitering

Det å gje eit differensiert fotballtilbod vil seie at alle får eit tilbod som står i samsvar med interesse, motivasjon, ferdigheiter og behov for meistring.

Det vil seie:

- Hafslo IL skal gje eit tilbod om fotballaktivitet heile året.
- Hafslo IL behandlar spelarane ulikt med tanke på ønskjer, behov og ferdigheiter.

Ulike verkemiddel for differensiering kan vere ulik mengde trening, ulik aktivitet, ulike oppgåver på enkelttreningar, eigentrening, eigne målsettingar og hospitering på treningar og kampar.

Hospitering vil seie at ein gir spelarar som har ferdigheiter, tid og motivasjon eit utvida tilbod om treningar og kampar på eit høgare nivå enn dei har til dagleg. Det vil seie at ein kan trene og/ eller spele kamp med eldre og betre spelarar. Dette for gje enkeltspelarar utfordringar og nye oppgåver med tanke på å utvikle dei best mogeleg. Hospitering må ikkje forvekslast med oppflytting for å kunne stille lag i enkelte klassar. Når det gjeld oppflytting er Fotballgruppa suveren til å ta avgjerd til det beste for heilskapen i klubben.

### Kriteriar for å hospitere:

- Svært gode treningshaldningar og tilnærma 100 % oppmøte på eigne treningar
- Hospitering skal først og fremst vere til spelarar med eit høgt ferdigheitsnivå, og som er opne for nye utfordringar. Hospitering skal gje meistring, og fungere som ei oppmuntring for godt arbeid for eige lag.
- Dersom det vert vurdert at ein spelar skal hospitere, skal det vere ein dialog mellom trenarane på dei aktuelle laga. Deretter involverar ein sportsleg utval ( leiar og nestleiar i Fotballgruppa), før ein eventuelt gjev tilbodet til den aktuelle spelaren. Foreldra til spelarar som skal hospitere, skal alltid vere informert og må samtykke.

## Turneringsdeltaking

Hafslo IL ved Fotballgruppa ønskjer at lag skal delta på turnering. Dette er positivt og ein viktig faktor for utvikling og for det sosiale kring laga. Deltaking på turnering skal vere eit verkemiddel for å nå målet om flest mogeleg lengst mogeleg.

Det er opp til kvart enkelt lag å vurdere kva for turneringar dei ønskjer å delta på. Kvart lag får dekt lagsavgift for inntil to turneringar per sesong og evt A-kort for 2 eller 3 trenarar/lagleiarar (2 A-kort for 7ar-lag og 3 A-kort for 11ar-lag). Resten av kostnadane, dvs. deltakaravgift per spelar, reise og opphald, må laga dekke sjølve. Lag som ønskjer å delta på meir enn to turneringar, må dekke alle utgifter knytt til dette sjølve.

Lag kan søkje Fotballgruppa om økonomisk støtte utover retningslinjene ovanfor, og her vurderer Fotballgruppa kvar enkelt søknad individuelt ut i frå budsjettsituasjonen. Men laga kan ikkje forvente økonomisk støtte utover føringane i Sportsplanen.

Etter søknad frå trenarar/lagleiarar kan Fotballgruppa vurdere å dekke eigenandel for enkeltspelarar på særskilt grunnlag. Til dømes der vanskeleg økonomi eller andre forhold hos familien til enkeltspelarar elles ville medført at spelaren ikkje ville delteke på turneringar.

### **Aktuelle turneringar (det er uansett opp til kvart enkelt lag kva for turnering dei vil delta på)**

**6 – 10 år:** Miniputtturneringar og evt andre lokale turneringar, som til dømes Eat, Move, Sleep-turneringa. Det vert oppmoda om at dei eldste miniputtklassane deltek på ein litt større, tilpassa turnering som td Maxi – turneringa på Hamar, Ål-cup evt Måløy cup om vinteren.

**10 – 12 år:** Eat Move Sleep – turneringa, Lerum – cup, Lærdalsturneringa, Måløy cup, Maxiturneringa på Hamar, Hessa Cup, Ål Cup eller tilsvarande. Førde cup innandørs er fin som sesongavslutting. Futsal-turneringar i region Sogn haust/vinter kan også vere aktuelt.

**13 – 14 år:** KM innandørs, Lerum – cup, Måløy cup, Maxiturneringa på Hamar, Ål Cup, Hessa Cup eller tilsvarende. Kan opne opp for deltaking på større turneringar som t.d. Norway cup, og vurdere kvar søknad individuelt. Førde cup innandørs er ei fin turnering for sesongavslutting. Futsal-turneringar i region Sogn haust/vinter kan også vere aktuelt.

**15 – 16 år:** KM innandørs, Norway cup, Dana cup ol, gjerne i tillegg til ei noko mindre turnering over td ei helg.

## **Dommarar - rekruttering:**

### **Målsetjing og tiltak for dommarrekruttering:**

- Ha deltakarar på dommarkurs i regi av kretsen kvart år.
- Ha dommaransvarleg i klubben
- Arrangere klubbdommarkurs x 1 per år, gjerne i samband med turnering eller Tine Fotballskule.
- Betale dommarane på aldersbestemt nivå etter kretsen sine satsar.
- Halde dommarane med eit sett dommarklede i året.
- Ekstra merksemd på dommarane ved slutten av sesongen.
- Fadder som kan følge opp under kamp, gje rettleiing og støtte.
- Freiste å ha jentedommarar til jentekampar.
- Spelarar på aldersbestemte lag kan dømme på miniputt-turnering som dugnad.
- Bidra med dommarar på Lerum - cup.